

mihi scito jam à regibus ultimis allatas esse litteras, quibus mihi gratias agant, quòd se mea sententia reges appellaverim; quos ego non modò reges appellatos, sed omnino natos nesciebam. Quid ergo est? tamen quamdiù hic erit noster hic prefectus moribus, parebo auctoritati tuæ: cum vero abierit, ad fungos me tuos conferam. Domum si habeo, in denos dies, singulos sumptuariæ legis conferam. Sin minus invenero quod placeat, decrevi habitare apud te. Scio enim, me nihil gratius tibi facere posse. Domum Syllanam desperabam jam, ut tibi proximè scripsi; sed tamen non abjeci. Tu, velim, ut scribis, cum fabris eam perspicias. Si enim nihil est in parietibus, aut in tecto vitii, cætera mihi probabuntur. Vale.

ARGUMENTUM.

Ostendit primam, nihil à se prætermissum, ut Cæsarianorum benevolentiam conciliaret: deinde, neque boni civis, neque sapientis hominis officium in se desiderari posse; postremò ad Papirii jocationes eis respondit.

M. T. C. Papirio Pæto S. D.

Delectaverunt me litteræ tuæ, in quibus primùm amavi amorem tuum, qui te ad scribendum incitavit, verentem ne Silius suo ructio aliquid mihi solicitudinis attulisset. De quo et tu mihi anteā scripseras, bis quidem eodem exemplo, facile ut intelligerem, te esse commotum: et ego tibi accuratè rescripseram, ut quoquomodo, in tali re, atque tempore, aut liberarem te ista cura, aut certè levarem. Sed quando proximis quoquè litter-

ris ostendis, quantæ curæ tibi sit ea res; sic, mi Pæte, habeto; quidquid arte fieri potuerit, (non enim jam satis est consilio pugnare, artificium quoddam excoxitandum est) sed tamen quidquid elaborari, aut effici potuerit ad istorum benevolentiam conciliandam, et colligendam, summo studio me consecutum esse: nec frustra, ut arbitror. Sic enim color, sic observor ab omnibus iis, qui à Cæsare diliguntur, ut ab eis me amari putem. Nam, etsi NON facilè dijudicatur amor verus, et fictus, nisi aliquod incidat ejusmodi tempus, ut, quasi aurum igne, sic benevolentia fidelis periculo aliquo perspici possit: cætera sunt signa communia. Sed ego uno utor argumento: quamobrem me ex animo, verèque arbitrer diligi: quòd et nostra fortuna ea est, et illorum, ut simulandi causa non sit. De illo autem, quem penè est omnis potestas, nihil video, quod timeam, nisi quòd omnia sunt incerta: cum à jure discessum est: nec præstari quidquam potest, quale futurum sit, quod positum est in alterius voluntate, ne dicam libidine. Sed tamen ejus ipsius nulla re à me offensus est animus. Est enim adhibita in ea re ipsa summa à nobis moderatio. Ut enim olim arbitrabar esse meum, liberè loqui, cuius opera esset in civitate libertas; sic, ea nunc amissa, nihil loqui, quod offendat aut illios, aut eorum, qui ab illo diliguntur, voluntatem. Effugere autem si velim non nullorum acutè, aut facetè dictorum offensionem, fama ingenii mihi est abicienda; quod si id possem, non recusarem. Sed tamen ipse Cæsar habet peracere judicium; et, ut Servius frater tuus (quem litteratissimum fuisse judico) facile diceret, hic

versus Plauti non est, hic est, quòd tritas habet aures notandis generibus poetarum, et consuetudine legendi: sic audio Cæsarem, cum volumina jam confecerit, si quid afferatur ad eum pro meo, quod meum non sit, rejicere solere; quod eò nunc magis facit, quia vivunt mecum ferè quotidiè illius familiares. Incidunt autem in sermone vario multa, quæ fortassè illis, cum dixi, nec illitterata, nec insulsa esse videantur. Hæc ad illum cum reliquis actis perforuntur: ità enim ipse mandavit. Sic fit, ut, si quid præterea de me audiatur, non audiendum putet: quamobrèm Cœnoma tuo nihil utor: etsi posuisti joco versus Attianos. Sed quæ est invidia? aut quid nunc mihi invideri potest? Verùm fac esse omnia. Sic video philosophis placuisse, iis, qui mihi soli videntur vim virtutis tenere; NIHIL esse sapientis præstare, nisi culpam; qua video mihi duplicitè carere: et quod ea senserim, quæ rectissima fuerunt: et quòd, cum viderem, præsidii non satis esse ad ea obtinenda, viribus certandum cum valentioribus non putarim: ergò in officio boni civis certè non sum reprehendens. Reliquum est, ne quid stultè, ne quid temerè dicam, faciamve contrà potentes: id quoquè puto esse sapientis. Cætera verò, quid quisque me dixisse dicat, aut quomodo ille accipiat, aut qua fide mecum vivant ii. qui me assiduè colunt, et observant, præstare non possum. Ità fit, ut ex superiorum consiliorum conscientia, et præsentis temporis moderatione me consoler; et illam Attii similitudinem non modò jam ad invidiam, sed ad fortunam transferam: quam existimo levem, et imbecillam, ab animo firmo et gravi, tamquam

fluctum à saxo, frangi oportere. Etenim, cum plena sint monumenta græcorum: quemadmodū sapientissimi viri regna tulerint vel Athenis, vel Syracusis, cum servientibus suis civitatibus, fuerint ipsi quodam modo liberi: ego me non putem tueri meum statum sic posse, ut neque offendam animum cuiusquam, nec frangam dignitatem meam? Nunc venio ad jocationes tuas: quandò tu, secundum Cœnomaum Attii, non ut olim solebat, Atellanum, sed, ut nunc fit, mimum introduxisti: quem tu mihi Popilium, quem denarium narras? quam tyrotarichi patinam; facilitate mea ista se-rebantur anteā: nunc mutata res est. Hirtium ego, et Dolabellam dicendi discipulos habeo, cœnandi magistros. Puto enim, te audisse (si fortè ad vos omnia perforuntur), illos apud me declamitare, me apud illos cœnitare. Tu autem, quòd mihi bona copiam ejures, nihil est; tu enim, cum rem habebas, quæstiunculis te faciebam attentiorem: nunc, cum tam æquo animo bona perdas, non eo sis consilio, ut, cum me hospitio recipias, æstimationem te aliquam putas accipere; etiam hæc levior est plaga ab amico, quam à debitore. Nec tamen eas cœnas quæro, ut magna reliquæ fiant: quod erit, magnificum sit, et lautum: memini te mihi Phameæ cœnam narrare; temperius fiat: cætera eodem modo. Quòd si perseveras me ad matris tuæ cœnam vocare; feram id quoque: volo enim videre animum, qui mihi audeat ista; quæ scribis, apponere, aut etiam polypum Miniani Jovis similem. Crede mihi, non audebis: ante meum adventum fama ad te de mea nova lauitia veniet: eam extimesces. Neque est quòd in promulside spei po-

nas aliquid: quam totam sustuli, solebam enim anteā delectari oleis, et lucanicis tuis. Sed quid hæc loquimur? liceat modo isto venire. Tu verò (volo enim abstergere animi tui metum) ad tyro-
tarichum antiquum redi. Ego tibi unum sumptum afferam, quodd̄ balneum calefacias oportebit: cæ-
ra more nostro. Superiora illa lusimus. De villa Seliciana et curasti diligentè, et scripsisti face-
tissimè; itaque puto me prætermissum: salis e-
nim satis est, sannionum parùm. Vale.

ARGUMENTUM.

*Agros quordam Cesar militibus divisurus vide-
batur. Ea divisio, veritus est Pætus, ne ad ipsius
agros perveniret: id quærenti Cicero respondebat.*

M. T. C. Papirio Pæto S. D.

Non tu homo ridiculus es; qui, cum Balbus noster apud te fuerit, ex me quæras, quid de istis municipiis, et agris futurum putem? quasi aut ego quidquam sciam, quod iste nesciat; aut, si quid aliquandò scio, non ex isto soleam scire. Imò verò, si me amas, tu fac, ut sciam, quid de no-
bis futurum sit: habuisti enim in tua potestate, ex quo vel ex sobrio, vel certè ex ebrio scire posses.
Sed ego ista, mi Pæte, non quæro: primùm quia de lucro propè jam quadriennium vivimus (si aut hoc lucrum est, aut hæc vita, superstitem reipub.
vivere), deinde, quodd̄ scire quoque mihi videor,
quid futurum sit: fiet enim quodcumque volent,
qui valebunt: valebunt autem semper arma; no-
bis igitur satis esse debet, quidquid conceditur:
hoc si quis pati non potuit, mori debuit. Vejen-

tem quidem agrum, et Capenatem metiuntur: hic non longè abest à Tusculano. Nihil tamen timeo;
fatuor, dum licet: opto, ut semp̄r liceat: si id minùs contigerit. Tamen, quandò ego, vir fortis,
idemque philosophus, vivere pulcherrimum duxi,
non possum eum non diligere, cuius beneficio id consecutus sum: qui si cupiat esse rempub. qua-
lem fortassè et ille vult, et omnes optare debe-
mus: quid faciat, tamen non habet: ità se cum multis colligavit. Sed longius progedior: scribo enim ad te; hoc tamen scito, non modò me, qui consiliis non intersum, sed ne ipsum quidem prin-
cipem scire, quid futurum sit. Nos enim illi ser-
vimus, ipse temporibus: ità nec ille, quid tempo-
ra postulatura sint, nec nos, quid ille cogitet, sci-
re possumus. Hæc tibi anteā non rescripsi, non quo cessator esse solerem, præsertim in litteris: sed, cum explorati nihil haberem, nec tibi solici-
tudinem ex dubitatione mea, nec spem ex affirma-
tione afferre volui. Illud tamen adscribam, quod est verissimum, me his temporibus adhuc de isto periculo nihil audisse: tu tamen pro tua sapientia
debebis optare optimæ, cogitare difficillima, fer-
re quæcumque erunt. Vale.

ARGUMENTUM.

*Exponit, quibus causis adductus, quasi aperto
ludo suos familiares in eloquentia cæperit exercere.
Addit nonnulla per jecum de cœnarum lauitia.*

M. T. C. Papirio Pæto S. D.

Cum essem otiosus in Tusculano, propterea quodd̄ discipulos obviām miseram, ut iidem me

quām maximē conciliarent familiari suo; accepi tuas litteras plenissimas suavitatis; ex quibus intellexi, probari tibi meum consilium, quōd: ut Dionysius tyrannus, cum Syracusis expulsus es-
set, Corinthi dicitur ludum aperuisse; sic ego, sublatis judiciis, amisso regno forensi, ludum qua-
si habere coepi. Quid quæris? me quoquē de-
lectat consilium: multa enim consequor; primū, id, quod maximē nunc opus est, munio me ad hæc
tempora. Id cujusmodi sit, nescio: tantū video,
nullus adhuc consilia me huic anteponere, nisi
fortè mori melius fuit: in lectulo, fateor; sed non
accidit: in acie non fui. Cæteri quidem Pompejus,
Lentulus tuus, Scipio, Afranius, fœdè perierunt:
at Cato præclarè. Jam istuc quidem, cum vole-
mus, licebit: demus modò operam, ne tam neces-
se nobis sit, quām illi fuit: id, quod agimus. Er-
gō hoc primū: sequitur illud: ipse melior fio:
primū valetudine, quam intermissis exercitatio-
nibus, amiseram: deinde ipsa illa, si qua fuit in
me, facultas orationis, nisi me ad has exercitatio-
nes retulisset, exaruisset. Extremum illud est,
quod tu nescio an primū putas, plures jam pa-
vones confeci, quām tu pullos columbinos. Tu is-
tic te Atteriano jure delectato, ego me hīc Hir-
tiano: veni igitū si vir es, et disce jam quas quæ-
ris: et si sus Minervam. Sed quandō: ut vidébo,
æstimationes tuas vendere non potes, neque ollam
denariorum implere: Romam tibi remigrandum
est: satiū est hīc cruditate, quām istī fame. Vi-
deo te bona perdidisse: spero idem isthuc familia-
res tuos. Actum igitur de te est, nisi provides. Po-
tes mulo isto, quem tibi reliquum dicis esse (quan-

dò cantherium comedisti), Romam pervehi. Sella
tibi erit in ludo, tamquām hypodidascalο, proxi-
ma: eam pulvinus sequetur. Vale.

ARGUMENTUM.

Cum scripsisset Pætus, Balbum tenuiculo appa-
ratu fuisse contentum; joci materiam inde arripuit
Cicero: idque eum arguit malitiose scripsisse, ne
majorem apparatum ipse requireret.

M. T. C. Papirio Pæto S. D.

Tamen à malitia non discedis: tenuiculo appa-
ratu significas Balbum fuisse contentum. Hoc vi-
deris dicere, cum reges tam sint continentis, mul-
tò magis consulares esse oportere. Nescis me ab
illo omnia expiscatum: recta enim à porta domum
meam venisse. Neque hoc admiror, quōd non ad
tuam potius, sed illud, quōd nec ad suam: ego
autem tribus primis verbis. Quid noster Pætus? At
ille adjurans; nusquam se unquam libentiūs. Hoc
si verbis assecutus es, aures ad te afferam non
minus elegantes: sin autem obsonio, peto à te, ne
pluris esse Balbos, quām disertos putes. Me quo-
tidie aliud ex alio impedit: sed si me expediero,
ut in ista loca venire possim, non committam, ut
te sero à me certiore factum putes. Vale.

ARGUMENTUM.

Jocatur suo more cum Pæto; Epicureum se ait es-
se factum, abjecta reip. judiciorumque cura.

M. T. C. Papirio Pæto S. D.

Dupliciter delectatus sum tuis litteris, et quōd
ipse risi, et quōd te intellexi jam posse ridere; me

autem à te, ut scurram velitem, malis oneratum esse, non molestè tuli. Illud doleo, in ista loca venire me, ut constitueram, non potuisse: habuisses enim non hospitem, sed contubernalem; ad quem virum? non eum, quem tu est solitus promulside confidere; integrum famem ad ovum affero; itaque ad assum vitulinum opera perducitur. Illa mea, quæ solebas antea laudare, o hominem facilem! o hospitem non gravem! abierunt. Nam omnem nostram de repub. curam, cogitationem de dicenda in senatu sententia, commentationem causarum abjecimus; in Epicuri nos, adversarii nostri castra conjectimus: nec tamen ad hanc insolentiam, sed ad illam tuam lauitiam; veterem dico: cum in sumptum habebas: etsi nunquam plura prædia habuisti. Proinde te para: cum homine edaci tibi res est, et qui jam aliquid intelligat, autem homines scis, quam insolentes sint: dediscendæ tibi sunt sportellæ, et artolagani tui. Nos jam artis tantum habemus, ut Verrium tuum, et Camillum (qua munditia homines? qua elegancia?) vocare sèpius audeamus. Sed vide audaciam; etiam Hirtio coenam dedi, sine pavone tamen; in ea cena coquus meus, præter jus fervens, nihil potuit imitari. Hæc igitur est nunc vita nostra: manè salutamus domi, et bonos viros multos, sed tristes, et hos lætios victores: qui me quidem per officiæ, et per amantè observant; ubi salutatio defluxit, litteris me involvo; aut scribo, aut lego. Veniunt etiam qui me audiant, quasi docum hominem, quia paulò sunt, quam ipsi, doctor, inde corpori omne tempus datur. Patriam eluxi jam et gravius, et diutiùs, quam ulla mater

unicum filium. Sed cura, si me amas, ut valeas: ne ego, te jacente, bona tua comedam. Statui enim tibi ne ægrotto quidem pateere. Vale.

ARGUMENTUM.

Confutat, quod Papirius scriperat, fulmina quædam verborum esse in Ciceronis epistolis; quæ ipse stulte imitaretur. Confutat illud, quod negarat, Papirium quemquam fuisse patrulum.

M. T. C. Papirio Pæto S. D.

Ain tandem? insanite tibi videris, quod imitere verborum meorum, ut scribis, fulmina; tum insanires, si consequi non posses: cum vero etiam vincas, me prius irrideas, quam te, oportet. Quare nihil tibi opus est illud à Trabea, sed potius meum. Verumtamen quid tibi ego videor in epistolis? nonnè plebejo sermone agere tecum? nec enim sempèr eodem modo. Quid enim simile habet epistola aut judicio, aut concioni? quin ipsa judicia non solemus omnia tractare uno modo. Privatas causas, et eas tenues agimus subtilius: capitis, aut famæ, scilicet ornatiū. Epistolas vero quotidianis verbis texere solemus. Sed tamen, mi Pæte, qui tibi venit in mentem negare, Papirium quemquam unquam nisi plebejum fuisse? fuerunt enim patriti minorum gentium: quorum princeps L. Papirius Mugillanus: qui consul cum L. Sempronio Atratino fuit, cum antea censor cum eodem fuisset, annis post R. C. cccxii. sed tum Papisi dicebantini. Post hunc xii. fuerunt, sella curuli, antè L. Papirium Crassum, qui primus Papirus est vocari desitus. Is dictator cum L. Papi-

rio Cursore magistro equitum factus est, annis post R. C. ccccxv. et quadriennio post consul cum C. Duillio. Hunc secutus est Cursor, homo valde honoratus: deinde Masso ædilitius. Inde multi Massones: quorum quidem tu omnium patritorum imagines habeas volo. Deinde Carbones, et Turdi insequeuntur. Hi plebeii fuerunt: quos contemnas censeo. Nam præter hunc Cn. Carbonem, quem Damasippus occidit, civis è rep. Carbonum nemo fuit. Cognovimus Cn. Carbonem, et ejus fratrem scurrum: quid his improbius? De hoc amico meo, Rubriæ filio, nihil dico; tres illi fratres fuere, C. Cn. M. Marcus, P. Flacco accusante condemnatus, fur magnus ex Sicilia. Caijus, accusante L. Crasso, cantharidas sumpsisse dicitur. Is et tribunus plebis seditionis, et P. Africano vim attrulisse existimatus est. Hoc vero qui Lilybæi à Pompejō nostro interfectus est, improbior nemo (meo judicio) fuit. Jam pater ejus accusatus a M. Antonio, sutorio atramento absolute putatur. Quare ad patres censeo revertare. Plebii quām fuerint importuni, vides. Vale.

ARGUMENTUM.

Disputat pro stoicis de libertate loquendi; quos tamen ait se non imitari.

M. T. C. Papirio Pæto S. D.

Amo verecundiam, vel potius libertatem loquendi. Atque hoc Zenoni placuit, homini mercuriè accuto: etsi academiæ nostræ cum eo magna rixa est. Sed, ut dico, placet stoicis suo quamque rem nomine appellare. Sic enim disserunt ni-

hil esse obscenum, nihil turpe dictu: nam si quod sit in obscenitate flagitium, id aut in re esse, aut in verbo, nihil esse tertium: in re non est, itaque non modò in comedisi res ipsa narratur: ut ille in Demiurgo modo, (forte nosti canticum: meministi Roscium) ita me destituit nudum: totus est sermo verbis tectus re impudenter: sed etiam in tragediis. Quid est enim illud? Quæ mulier una? quid, inquam, est? Usurpata duplex cubile? Quid illud? Pheræt hic cubile inire est ausus. Quid est? Virginem me quondam invitam per vim violat, Jupiter bone, violat? Atqui idem significat, sed alterum nemo tulisset. Vides igitur, cum eademes sit, quia verba non sint, nihil videri turpe. Ergo in re non est, multò minus in verbis. Si enim quod verbo significatur, id turpe non est; verbum, quod significat, turpe esse non potest. Annū appellas alienonominē; cur nomina potius? si turpe est sine alieno quidem; si non est, suū potius. Caudam antiqui penem vocabant, ex quā est propter similitudinem penicillus; at hodiē penis est in obscenis. At vero Piso illi Erugi in annalibus suis queritur, adolescentes peni deditos esse. Quod tunc in epistola appellas suo nomine, hinc Oretianus penem. Sed quia multis factum est tñm obscenum, quām id, verbum, quo tu usus es. Quid, quod vulgo dicitur, cum nos te volumus convenire, num obscenum est? Memini in senatu disertum consilarem ita eloqui. Hanc culpam majorem, an illam, dicam? Potuit obscenius? non, inquis; non enim ita sentis. Non ergo in verbo est. Docui antea in re non esse; quisquam igitur est. Liberis dare operam;

quām honestē dicitur? etiam patres rogant filios: ejus operæ nomen non audent dicere. Socratē fidibus docuit nobilissimus fidicē: is Connus vocitatus est: num id obscenū est. Græcis quidēm, inquires. Nihil est ergo in verbo; quandō et ego græcē scio: et tamen tibi dico, binī: idque tu facis, quasi ego græcē, non latine dixerim rūta, et mēnta, rectē utrumque. Volo mentam pusillam ita appellare, ut rūtullam; non licet. Bella tactoriola dicas; dic ergo etiam pavimenta isto modo: non potes. Vides igitur nihil esse, nisi ineptias: turpitudinem nec in verbo esse, nec in re, itaq̄e nusquam esse. Ergo in verbis honestis obscena ponimus. Quid enim? non honestum verbum est divisiō? at inest obscenū, cui respondet intercapedo. Nunc hęc ergo obscena sunt, nos autem ridiculē, si dicimus, ille patrem strangulavit, honorem non præfamur: sin de Aurelia aliquid, aut. Lollia, honos præfādus est. Et quidēm jam non etiam obscena verba pro obscenis sunt; batuit, inquit, impudentēr: depsit; multò impudentiūs. Atquē neutrū est obscenū. STULTORUM plenā sunt omnia. Testes, verbum honestissimum in iudicio, alio loco non nimis. At honesti, Colei Lanuvini, Cliternini non honesti. Quid? ipsa res modō honesta, modō turpis. Suppedit, flagitium est; jam erit nudus in balneo, non reprehendes. Habes scholam Stoicam, quām multa ex uno verbo tuo? Te adversus me omnia audere, grātum est, ego servo, et servabo (sic enim assuevi) Platoniū recundiam. Itaque rectis verbis ea ad te scripsi, quā apertissimis agunt stoici. Sed illi etiam crepitūs ajunt aq̄e liberos, ac ructus, esse oportet.

ré. Honorem igitur, Kalendis Martiis. Tu me diliges, et valebis.

ARGUMENTUM.

Prænuntiat Pæto adventum suum; quāmquām enim audierit eum pedibus laborare, sed tamen puzare ait, coquum illius articulari morbo non impediti, quominus cœnam possit apparare.

M. T. C. Papirio Pæto S. D.

Heri veni in Cumanum: cras ad te fortasse: sed, cum certum sciam, faciam te paulo antē certiōrem. Etsi M. Ceparius, cum mihi in sylvā Gallicaria obviā venisset, quæsissemque, quid age- res, dixit, te in lecto esse, quod ex pedibus labores. Tuli scilicet molestē, ut debui: sed tamen constitui ad te venire, ut et viderem te, et vise- rem, et cœnarem etiam. Non enim arbitror, coquum etiam te arthriticum haberē. Expecta igitur hospitem, cūm minimè edacem, tum inimicum cœ- nis sumptuosis. Vale.

ARGUMENTUM.

Rufum à Pæto commendatum, ait sibi curæ etiam atque etiam fore. Dein manet, ut omnino ad cœnas, et convictum amicorum redeat. Concludit, nihil sibi esse rep. charius.

M. T. C. Papirio Pæto S. D.

Rufum istum, amicum tuum, de quo iterū jam ad me scribis, adjuvarem quantum possem, etiam si ab eo lœsus essem, cum te tantopere vi- derem ejus causa laborare: cum vero et ex tuis lit-

teris, et illius ad me missis, intelligam, et judicem, magnæ curæ ei salutem meam fuisse; non possum ei non amicus esse: neque solum tua commendatione, quæ apud me, ut debet, valet plurimum, sed etiam voluntate, ac judicio meo. Volo enim te scire, mi Pæte, initium mihi suspicionis, et cautionis, et diligentia fuisse litteras tuas: quibus litteris congruentes fuerunt aliae postea multorum. Nam et Aquini, et Fabraterie consilia sunt initia de me, quæ te video inaudisse: et, quasi divinarent, quam his molestus essem futurus, nihil aliud egerunt, nisi, me ut opprimerent. Quod ego non suspicans, incautior fuisse, nisi à te admonitus essem. Quamobrem iste tutus amicus apud me commendatione non eget. Utinam ea fortuna reipub. sit, ut ille me quam gratissimum possit cognoscere. Sed hæc hactenus: te ad cœnas itare desisse, molestè fero. Magna enim te delectatione, et voluptate privasti: deinde etiam vereor (licet enim verum dicere) ne pescio quid illud quod solebas, dedicas, et obliviscare cœnulas facere. Nam, si tū, cum habebas, quos imitarere, non multum proficiebas; quid nunc te facturum putem? Spurina quidem cum ei rem demonstrasse, et vitam tuam superiorem exposuisse, magnum periculum summæ reip. demonstrabat, nisi ad superiorem consuetudinem, tum, cum favonius flaret, revertisses: hoc tempore fieri posse, si forte tu frigus ferre non posses. Sed meherculè, mi Pæte, extra jocum, moneo te, quod pertinere ad beatè vivendum arbitror, ut cum viris bonis, jucundis amanib[us] tui viyas. Nihil est aptius vitæ, nihil ad beatè vivendum accommodius. Nec id ad

voluptatem refero, sed ad communitatem vitæ, atque victus, remissionemque animorum, quæ maximè sermone efficitur familiari, qui est in conviviis dulcissimus: ut sapientius nostri, quam græci; id est, compotations, aut concenationes: nos convivia, quod tū maximè simūl vivitur. Vides ut te philosophando revocare coner ad cœnas? Cura ut valeas, id, foris cœnitando, facillimè consequere. Sed cave, si me amas, existimes me, quod jocosius scribam, abjecisse curam reip. Sic tibi, mi Pæte, persuade, me dies, et noctes nihil aliud agere, nihil curare, nisi, ut mei cives salvi, liberiique sint. Nullum locum prætermitto monendi, agendi, providendi. Hoc denique animo sum, ut, si in hac cura, atque administratione vita mihi ponenda sit, præclarè actum mecum putem. Etiam aique etiam vale.

ARGUMENTUM.

Scriptit hanc epistolam ante bellum civile, cum esset in Sicilia proconsul. Cavillatur in eo, quia si bi Papirius præcepit de re militari litteris iradiderat. Dein M. Fabium commendat.

M. T. C. Imp. Papirio Pæto S. D.

Summum me ducem litteræ tuæ reddidere. Pla-ne nesciebam, te tām peritum esse rei militaris. Pyrhi te libros, et Cynæ video lectitasse. Itaque obtemperare cogito præceptis tuis. Hoc amplius, navicularum habere aliquid in ora maritima. Contrà equitem Partum negant ullam armaturam meliorem inveniri posse. Sed quid ludimus? nescis, quo cum imperatore tibi negotium sit: quam con-

triveram legendo, totam in hoc imperio explicavi. Sed jocabimur alias coram, et, ut spero, brevi: nunc ades ad imperandum, vel ad parendum potius: sic enim antiqui loquebantur. Cum M. Fa-
bio (quod scire te arbitror) summus mihi est usus: valdeque eum diligo, cum propter summam probi-
tatem ejus, ac singularem modestiam, tum quod
in iis controversiis, quas habeo cum tuis combi-
bonibus Epicureis, optima opera ejus uti soleo.
Is cum ad me Laodiceam venisset, mecumque
eum ego esse vellem, repente percussus est atro-
cissimis litteris; in quibus scriptum erat, fundum
Herculanensem à Q. Fabio fratre proscriptum es-
se, qui fundus cum eo communis esset. Id M. Fa-
bius pergraviter tulit: existimavique, fratrem su-
um, hominem non sapientem, impulsu inimicorum
suorum eò progressum esse. Nunc, si me amas,
mi Pæte, negotium totum suscipe, molestia Fa-
bium libera. Auctoritate tua nobis opus est, et
consilio, et etiam gratia. Noli pati litigare fra-
tres, et judicis turpibus confictari. Mathonem,
et Pollinicem inimicos habet Fabius. Quid mul-
ta? non meherculè tam perscribere possum, quam
mihi gratum feceris, si otiosum Fabium reddideris.
Id ille in te positum esse putat, mihique persua-
det. Vale.

ARGUMENTUM.


*Descriptio, et excusatio cœnæ hilarioris, præser-
tim accumbente Cyteride meretrice mima.*

M. T. C. Papirio Pæto S. D.

Accubueram hora nona, cum ad te harum exem-
plum in codicilis exaravi. Dices, ubi? Apud Vo-
luminum Eutrapelum, et quidem suprà me Atti-
cus, infrá Verrius, familiares tui. Miraris tam ex-
hilaratam esse severitatem nostram? quid ergò fa-
ciam? te consulò, qui philosophum audis. Angar? ex-
cruciemne me? quid assequar? deinde, quem ad
finem? Vivas, inquis in litteris. An quidquam me
alium agere censes? haud possem vivere, nisi in
litteris viverem: sed est earum etiam non satie-
tas, sed quidam modus. A quibus cum discessi,
etsi minimum mihi est in cœna, quod tu unum
Dioni philosopho posuisti: tamen quid potius fa-
ciam, priùs, quam me dormitum conferam, non
reperio. Audi reliqua. Infrá Eutrapelum Cythe-
ris accubuit. In eo igitur, inquis, convivio Cice-
ro ille, quem adspectabam, cuius ob os graii ora
obvertebant sua? Non meherculè suspicatus sum
illam affore: sed tamen ne Aristippus quidem ille
Socraticus erubuit, cum esset objectum, habere
eum Laida: habeo, inquit, non habeor à Laide.
Græcè hoc melius, tu, si voles, interpretabere.
Me verò nihil istorum ne juvenem quidem mo-
vit unquam, ne nunc senem. Convivio delector.
Ibi loquor aliquid, quod in solum, ut dicitur: et
gemitum etiam in risus maximos transfero. An tu
id melius, qui etiam philosophum irriseris? cum

314 EPIST. AD VARRONEM.

ille, si quis quid quæreret, dixisset cœnam te quærere à manè dixeris? Ille Baro te putabat quæsturum, unum cœlum esset, an innumerabilia. Quid ad te, at herculè cœna numquid ad te? tibi præsertim? sic igitur vivitur: quotidiè aliquid legitur, aut scribitur: deinde, ne amicis nihil tribuamus, epulamur una non modò non contrà legem, si ulla nunc lex est, sed etiam intrâ legem, et quidè aliquanto. Quare nihil est, quod adventum nostrum extimescas. Non multi cibi hospitem accipies, sed multi joci. Vale.



M. T. CICERONIS
EPISTOLARUM
AD PLANCUM, ET ALIOS,
LIBER X.

ARGUMENTUM.

Invehitur in Antonii immoderatam potentiam: et Plancum, Transalpinam Galliam, quam ultimam Cicero Philippicarum lib. 5. vocat, administrantem portatur, ut in rem. omni cogitatione, studioque incumbat. Postremò, agit gratias de Furnio honosifice tractato.

M. T. C. L. Munatio Plancus Imp. Cos. Des. S. D.

Et absui, proficiscens in Græciam: et posteaquam de medio cursu reip. sum voce revocatus,

LIBER X.

nunquam per M. Antonium quietus fui: cuius tantæ est non insolentia, (nam id quidè vulgare vitium est) sed immanitas; non modò ut vocem, sed ne vultum quidè liberum possit ferre cujusquam. Itaque mihi maximæ curæ est, non de mea quidè vita: cui satisfeci vel ætate, vel factis, vel (si quid etiam hoc ad rem pertinet) gloria: sed mē patria solicitat; in primisque, mi Plance, expectatio consulatus tui: quæ ita longa est, ut optandum sit, ut possimus ad id tempus reip. spiritum ducere. Quæ potest enim spes esse in ea rep. in qua hominis impotentissimi, atquæ intemperatissimi armis oppressa sunt omnia? et in qua nec senatus, nec populus vim habet ullam? nec leges ullæ sunt, nec judicia, nec omnino simulacrum aliquod, aut vestigium civitatis? Sed quando acta omnia mitti ad te arbitrabar, nihil erat, quod singulis rebus scriberem. Illud autem erat amoris mei (quem à tua pueritia susceptum, non servavi solum, sed etiam auxi) monere te, atquæ hortari, ut in rem publ. omni cogitatione, curaque incumberes. Quæ si ad tuum tempus perducitur, facilijs gubernatio est: ut perducatur antem, magnæ tum diligentie est, tum etiam fortunæ. Sed et te aliquantò antè, ut spero, habebimus: et, præterquam quod reip. consulere debemus, tam tuæ dignitati ita favemus, ut omne nostrum consilium, studium, officium, operam, laborem, diligentiam ad amplitudinem tuam conferamus. Ita facillimè et reip. quæ mihi carissima est, et amicitiae nostræ, quam sanctissimè nobis colendam puto, me intelligo satisfactum. Furnium nostrum, tanti à te fieri, quantum ipsius humanitas,